

Teman

Teman..

Kiranya perpisahan terjadi nanti
masih akan wujudkah ikatan ini?
atau akan lupakah kalian pada ku?
apakah akan ada pengertian rindu?

Teman..

Kiranya aku atau kau pergi
ku ingin kalian mengerti
sejak mula kita bersatu tenaga dan jiwa membangun ADTEC
biarpun kadangkala bertikam lidah..
berjauh hati dan merajuk rasa..
kalian tetap ter'istimewa' dalam hidup ini

Teman

Perlukah ku lafazkan kata
tanda ku hargai setiap perjalanan waktu
yang telah kita lalui bersama?
atau mungkin perlu ku letakkan tugu
sebagai kenangan di laman rumah mu
sebagai tanda ingatan dari ku
buat kalian semua?

Teman..

setiap detik masa yang telah ku tempuhi bersama mu
terlalu indah untuk mudah hilang dan pudar
dari lipatan memori ku
biarpun masa berganti masa...
ingatan ini akan tetap abadi..
kekal selamanya..

Teman

Suatu hari nanti
percayalah..
biarpun wajah di mamah usia
biarpun mata semakin buta
tatkala ketemu di mana jua..
aku akan tetap mengenal kalian
walau sekadar memandang kelibat dari kejauhan
kerana dalam tidak sedar..
telah wujud percantuman jiwa antara kita semua...

Salam kasih..

beserta sembah permisi..
buat kalian teman-teman ku
yang sentiasa bergemerlapan dan bercahaya
dalam hati sanubari ku ini...